

von Montfort herr ze veltkirch. vnd Richter / jn dirre gegenwürtigen sach. vrtail vmb was Recht wâr, Do ward ertailt mit Rechter gesamnoter vrtail vnzerworffenlich. das sÿ<sup>6</sup> der vorgebant Grâf<sup>a</sup> Hainrich jr elicher man vnd Rechter vogt vmb die sach. vss des gerichtes Ring ze drÿn<sup>6</sup> mâlen<sup>e</sup> fûren solti. vnd sÿ<sup>6</sup> ze jeglichem mâl<sup>e</sup>. besunder vnd haimlichen frâgen<sup>e</sup> solti. ob sÿ dis hie vorgeschriben sach das entziehen vnd vff geben, willeklich / gern. vnd vnbetwungenlich tûn wolt vnd tât. vnd wolti sÿ<sup>6</sup> es gern tûn. das sÿ<sup>6</sup> sich danne da offentlichen vor gericht, des vorgeschriben gûtes. alles gar vnd gantzlichen. jn der wÿse vnd mit den / bedingden. als vor ist beschaiden. entzig vnd verzig, vnd och das alles. jn der selben wÿse. mit jr vnd des vorgebantens jr elichen mannes vnd Rechten vogtz handen. vff gâb<sup>e</sup> jn min hand . . / vnd dz<sup>w</sup> es danne darnach der vorgebant Grâf<sup>a</sup> fridrich von Thoggenburg<sup>t</sup> jr sun. an statt vnd in namen sin selbes. vnd och siner geschwûstergit. von Thoggenburg<sup>i</sup> ze gelicher wÿse mit. , aller zûgehôrde von miner hand enpfâhen<sup>e</sup> solti<sup>a</sup>, Vnd wenn das alles beschâch vnd offentlich vor gericht vollefûrt wûrde, das es danne vmb die sach wol durch Recht krafft vnd maht / hett vnd haben solt nv vnd och hienach. Vnd do das also vor gericht ertailt ward, Do fûrt sÿ der egenant Grâf Hainrich von werdenberg jr elicher man. vnd Rechter vogt dristunt von dem / gericht. vnd frâgt sÿ ze jeglichem mâl haimlichen. ob sÿ das entziehen vnd vffgeben willeklich gern vnd vnbetwungenlich tûn wolt vnd tât, vnd gieng ze jeglichem mâle mit jr wider jn fûr dz / gericht vnd seit vnd offnot da, das sÿ jm ze drin mâlen gesait vnd veriehen hett, Sÿ wolti es willeklich gern. vnd vnbetwungenlich tûn vnd vollefûren, Vnd do dis alles also vor gericht beschach als Recht vnd vrtail geben hatt, do entzech vnd verzech sich dû vorbenempt fro katherin Grâfin von werdenberg. fûr sich vnd alle jr erben. gen dem vorgebant Grâf fridrichen von Thoggen- / burg - vnd gen sinen geschwûstergiden. vnd och gen allen jren erben. alles des ligenden vnd varenden gûtes so der vorgebant Grâf Diethelm sâlig von Thoggenburg hinder jm gelâssen hett / was das ist ald wie das alles gehaissen oder genant ist. als vor ist beschaiden. vnd entzech